

VENDIM
Nr.29, datë 13.1.2005

PËR DISA SHTESA NË VENDIMIN NR.130, DATË 18.3.1999 TË KËSHILLIT TË
MINISTRAVE “PËR INSPEKTORATIN SHTETËROR TË KONTROLLIT TË NAFTËS,
GAZIT E NËNPRODUKTEVE TË TYRE” TË NDRYSHUAR

Në mbështetje të nenit 100 të Kushtetutës dhe të neneve 23, pika 2, e 25 pika 3 të ligjit nr.8450, datë 24.2.1999 “Për përpunimin, transportimin dhe tregtimin e naftës, gazit dhe nënprodukteve të tyre”, të ndryshuar, me propozimin e Ministrit të Industrisë dhe të Energjetikës, Këshilli i Ministrave

VENDOSI:

1. Në vendimin nr.130, datë 18.3.1999 të Këshillit të Ministrave, të ndryshuar, të bëhen këto shtesa:

a) Në fund të shkronjës “c” të pikës 3, shtohet paragrafi me këtë përmbajtje:

“Inspektorati kryen analizat e kontrollit për treguesit cilësorë të naftës, gazit dhe nënprodukteve të tyre, për sasi të importuara para zhdoganimit, për sasi të prodhuara në vend, si dhe kryhen kontrollin periodik, të detyrueshëm të tregut.”.

b) Pas shkronjës “dh” shtohet shkronja “e” me këtë përmbajtje:

“e) Inspektorati përdor 10 për qind të të ardhurave të përfuara nga gjobat e vëna prej tij, për rinovimin teknologjik të pajisjeve dhe aparaturave, për publikime të materialeve ligjore dhe teknike, për kualifikime dhe marrje përvojë.”.

2. Ngarkohet Ministria e Industrisë dhe e Energjetikës për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Fatos Nano